

Proxecto de Decreto ---/2006, de---, polo que se regula o Catálogo Galego de Árbores Senlleiras.

A Lei estatal 4/1989, do 27 de marzo, de Conservación dos Espazos Naturais e da Fauna e Flora Silvestres establece a obriga das Administracións Públicas de adoptar as medidas necesarias para garantir a conservación das especies da flora e da fauna que viven en estado silvestre no territorio español, prestando especial atención ás especies autóctonas, e no seu artigo 21.2 sinala que as Comunidades Autónomas con competencia exclusiva en materia de espazos naturais protexidos, e con competencia para dictar normas adicionais de protección en materia de medio ambiente, poderán establecer, ademais das figuras de protección previstas na Lei estatal, outras diferentes regulando as súas correspondentes medidas de protección.

A Lei do Parlamento Galego 9/2001, do 21 de agosto, de Conservación da Natureza, no seu título II, da fauna e flora, establece as medidas necesarias para garantir a conservación dos hábitats naturais e das especies da flora e fauna, con especial atención ás especies autóctonas e ás ameazadas, para o que se crean o Catálogo Galego de Especies Ameazadas e o Rexistro de Especies de Interese Galego.

Doutra banda, esa norma galega considera que o interese científico, estético ou monumental e ornamental dalgúns exemplares existentes en Galicia, de calquera especie botánica autóctona ou foránea, ou de agrupacións destes, aconsella que as normas protectoras se fagan extensivas a este tipo de árbores, xa que constitúen un patrimonio cultural valioso, de interese público, e irrecuperable no caso da súa destrución.

En Galicia xa se teñen declarado tres Monumentos Naturais pola presenza de árbores monumentais coma son: “Fraga de Catasós”, no concello de Lalín (provincia de Pontevedra), na que medran castiñeiros dos máis grandes de Europa; “Souto da Retorta”, no concello de Viveiro (provincia de Lugo), que inclúe entre os seus exemplares o que probablemente sexa o eucalipto branco de maior tamaño dos cultivados no continente europeo; e o “Souto de Rozabales”, no concello de Manzaneda (provincia de Ourense), onde poden contemplarse castiñeiros de extraordinarias dimensións e beleza.

Pero con independencia de que os exemplares ou as agrupacións deles poidan atoparse en espazos protexidos ou se lles poidan aplicar réximes específicos de protección, como os de monumento natural ou paisaxe protexida, entre outros, a Lei autonómica, no seu artigo 52, prevé a creación do Catálogo Galego de Árbores Senlleiras de Galicia, no que se incluírán aqueles exemplares ou rodais cuxa conservación sexa necesario asegurar polos seus valores naturais, culturais, científicos, didácticos, estéticos ou paisaxísticos, sinalando que nos exemplares ou rodais incluídos no Catálogo poderán levarse a cabo, previa autorización da Consellería de Medio Ambiente, todo tipo de tratamentos selvícolas e actuacións encamiñadas á súa protección, conservación e mellora.

Procede, polo tanto, establecer o procedemento para a inclusión de árbores e formacións singulares no Catálogo Galego de Árbores Senlleiras de Galicia, coa finalidade de protexelos de posibles riscos e ameazas, garantindo a súa conservación.

Segundo a Disposición Final Primeira da Lei 9/2001, do 21 de agosto, autorízase ao Consello da Xunta de Galicia para dictar cantas disposicións sexan necesarias para o desenvolvemento e aplicación desa norma.

Na súa virtude, o Consello da Xunta a proposta do Conselleiro de Medio Ambiente e Desenvolvemento Sostible e logo da deliberación dos seus membros, na súa reunión do..... de... de dous mil seis,

DISPOÑO:

Artigo 1º.- Árbores e Formacións Senlleiras.

Terán a consideración de senlleiras as árbores e as formacións de calquera especie, tanto autóctona como foránea, situadas en terreos de propiedade pública ou privada, que sexan merecentes de medidas específicas de protección en atención as excepcionais características do seu porte, dendrometría, idade, rareza, significación histórica ou cultural, interese científico, educativo, estético, paisaxístico ou calquera outra circunstancia que lle faga merecedor dunha especial protección.

Artigo 2º.- Catálogo Galego de Árbores Senlleiras.

Créase o Catálogo Galego de Árbores Senlleiras, coma Rexistro Público de carácter administrativo dependente da Dirección Xeral de Conservación da Natureza que incluírá aquelas árbores e as formacións excepcionais merecedoras de protección.

Artigo 3º. Comité das Árbores Senlleiras.

1.- Crease o Comité das Árbores Senlleiras coma órgano consultivo da Dirección Xeral de Conservación da Natureza nesa materia.

2.- Este comité constitúese coma órgano de asesoramento en relación coas inclusións, exclusións e as diferentes actuacións a levar a cabo no entorno destes exemplares.

3.- O Comité das Árbores Senlleiras estará formado polos seguintes membros:

- O seu Presidente será o Director Xeral de Conservación da Natureza.
- Un representante da Dirección Xeral de Conservación da Natureza que actuará coma secretario.
- Un representante da Dirección Xeral de Patrimonio Cultural.

- Un representante da Dirección Xeral de Montes e Industrias Forestais.
- Un representante de cada unha das tres Universidades Galegas que elas mesmas designen.
- Un representante do Centro de Investigacións Ambientais de Lourizán.
- Un representante das asociacións que teñan coma finalidade a protección, conservación ou divulgación das árbores senlleiras.
- O experto ou expertos que a Dirección Xeral de Conservación da Natureza considere necesario.

4.- O Comité das Árbores Senlleiras terá particularmente as seguintes funcións:

- a)** Establecer os criterios de inclusión no catálogo, atendendo os indicadores relacionados cos méritos recollidos no artigo 1.
- b)** Propoñer a catalogación ou descatalogación das árbores e formacións senlleiras, en base a información debidamente documentada.
- c)** Emitir informe sobre as solicitudes de catalogación presentadas.
- d)** Informar os diferentes Plans de Xestión que se elaboren para cada un dos exemplares e formacións catalogados.
- e)** Aconsellar sobre as medidas de conservación e informar dos diferentes tratamentos fitosanitarios que se leven a cabo.

5.- O Comité reunirse ordinariamente con periodicidade anual ou de xeito extraordinario, cando sexa convocado polo seu presidente.

Artigo 4º.- Catalogación e Descatalogación.

1. A inclusión ou exclusión no Rexistro farase mediante Orde da Consellería de Medio Ambiente e Desenvolvemento Sostible.
2. A iniciación do procedemento de catalogación ou descatalogación farase de oficio pola Consellería, ou a instancia de parte.
3. Poderán instar o inicio do devandito procedemento o propietario ou propietarios, outras administracións públicas, centros de investigación ou asociacións e entidades privadas ou públicas que teñan entre os seus fins estatutarios a protección da natureza, mediante a presentación do modelo de solicitude de inclusión que figura no Anexo III acompañada de toda a información dispoñible xustificativa da súa condición de senlleiro.
4. Previamente á catalogación darase audiencia aos propietarios dos exemplares, ou os seus representantes, e solicitarase informe ao Comité das Árbores Senlleiras.

5. O procedemento terá unha duración máxima de un ano a contar dende a data de iniciación, transcorrido o cal entenderase caducado.

6. A iniciación do procedemento de catalogación dun exemplar ou formación, implica que lle serán de aplicación, inmediata e provisionalmente, as medidas de protección establecidas neste decreto.

7. A descatalogación producirase coma consecuencia da morte biolóxica ou da perda dos valores que motivaron a súa inclusión.

Artigo 5º. Medidas de xestión.

1. Para as árbores e formacións senlleiras que o requiran elaboraranse **Plans de Xestión** encamiñados á súa conservación, restauración e mellora. Estes plans serán elaborados pola Dirección Xeral de Conservación da Natureza ou polos propietarios dos terreos onde se asentan, debendo ser aprobados, neste último caso, pola Dirección Xeral de Conservación da Natureza. Estes Plans de Xestión serán revisados coa periodicidade que neles se determine.

2. De ser necesario poderase establecer unha **Área de Protección**, que abranguirá o entorno inmediato das árbores, dos rodais ou das formacións senlleiras.

3. Cando as árbores ou formacións senlleiras se atopen dentro de Espazos Naturais Protexidos, os *Plans Rectores de Uso e Xestión* cu os *Plans de Conservación*, contemplarán as medidas necesarias para a preservación destes elementos senlleiros.

Artigo 6º. Protección.

1. As árbores e formacións senlleiras considéranse protexidos para tódolos efectos.

2. A protección implica, a prohibición de calquera acción que poida afectar negativamente a súa integridade, a súa saúde e a súa aparencia. No caso de formacións naturais esta protección entenderase aplicable tamén a todo o seu cortexo florístico.

3. Os proxectos cuxa execución poida ameazar aos valores naturais, culturais, científicos, didácticos, ou doutra orde, de árbores ou formacións senlleiras necesitarán autorización da Dirección Xeral de Conservación da Natureza.

4. Para realización de actuacións coma podas ou tratamentos fitosanitarios, cando sexan necesarios para a conservación do propio exemplar ou cando exista un perigo para a saúde pública e a seguridade das persoas, necesitarase autorización da Dirección Xeral de Conservación da Natureza.

Artigo 7º. Réxime de Axudas.

1. A Consellería de Medio Ambiente e Desenvolvemento Sostible establecerá un réxime de axudas encamiñadas á súa conservación, protección e mellora ou, no seu caso, para realizar tratamentos fitosanitarios ou selvícolas de mantemento.

2. Asimesmo poderase subscribir cos propietarios convenios nos que se contemplen aspectos relacionados co uso público destes elementos singulares coma o réxime de visitas, o acondicionamento de accesos e outros.

Artigo 8º. Aproveitamentos.

Poderán seguirse levando a cabo os aproveitamentos que sexan compatibles coa conservación dos valores polos que éstos exemplares foron declarados, coma establece o *artigo 29 da lei 9/2001, do 21 de agosto de Conservación da Natureza*. Asimesmo, toda limitación de usos poderá dar lugar a indemnización cando se cumplan os requisitos establecidos no apartado 2 do citado artigo.

Artigo 9º. Servidumes.

Segundo establece o *artigo 28 da lei 9/2001, do 21 de agosto, de Conservación da Natureza*, poderanse declarar as servidumes necesarias para a instalación e conservación de sinais indicadoras da condición de árbores e formacións senlleiras.

Artigo 10º.- Sancións.

O incumprimento do disposto no presente Decreto sancionárase de acordo co que prevé a lexislación vixente sobre conservación da natureza, especialmente as infraccións e sancións contempladas nos artigos 62, 65 e 69 da *Lei 9/2001, do 21 de agosto, de Conservación da Natureza*,

Disposicións Adicionais

Primeira.

Cando se produza a morte biolóxica dun exemplar catalogado os seus restos conservarán a súa protección cando así o aconselle o seu interese científico, cultural ou histórico.

Segunda.

A Consellería de Medio Ambiente e Desenvolvemento Sostible asumirá a propiedade e xestión dos elementos catalogados que lle sexan donados ou cedidos polos seus propietarios.

As transmisións onerosas intervivos dos exemplares catalogados estarán suxeitas aos dereitos de tanteo e retracto por parte da Administración autonómica. Estes dereitos exerceránse do xeito indicado no *artigo 27 da lei 9/2001, do 21 de agosto, de Conservación da Natureza*.

Terceira.

A Consellería de Medio Ambiente actualizará de forma periódica o inventario do Catálogo Galego de Árbores Senlleiras.

Disposición Derrogatoria

Quedan derogadas tódalas disposicións de igual ou inferior rango que se opoñan ao establecido no presente Decreto.

Disposicións Derradeiras

Primeira.

Autorízase ao Conselleiro de Medio Ambiente para dictar cantas disposicións complementarias necesite o desenvolvemento e execución do presente Decreto.

Segunda.

O presente Decreto entrará en vigor ao día seguinte ao da súa publicación no Diario Oficial de Galicia.

Santiago de Compostela,..... de.... dous mil seis

O Presidente da Xunta de Galicia

O Conselleiro de Medio Ambiente e Desenvolvemento Sostible.

ANEXO I Árbores Senlleiras

CÓDIGO	NOME DA ÁRBORE	ESPECIE	LUGAR	CONCELLO
1A	"Perona" do Paseo da Ferradura	<i>Abies nordmanniana</i> (Steven) Spach	Paseo da Ferradura	Santiago de Compostela (C)
2A	Pradairo da Igrexa de Vilarpandín	<i>Acer pseudoplatanus</i> L.	Na entrada da Igrexa	Navia de Suarna (LU)
3A	"Pravia" de Vilalba	<i>Acer pseudoplatanus</i> L.	Praza Suso Gayoso	Vilalba (LU)
4A	Castiñeiro de Indias do Xardín Artístico de Padrón	<i>Aesculus hippocastanum</i> L.	Xardín Artístico de Padrón	Padrón (C)
5A	Ameneiro do Pazo de Maside	<i>Alnus glutinosa</i> (L.) Gaertn.	Pazo de Maside	Pantón (LU)
6A	Araucaria do Brasil do Parque de Caldas de Reis	<i>Araucaria angustifolia</i> (Bertol.) O. Kuntze	Parque de Caldas	Caldas de Reis (PO)
7A	Araucaria Araucana do Castelo de Soutomaior	<i>Araucaria araucana</i> (Mol.) K. Koch	Castelo de Soutomaior	Soutomaior (PO)
8A	Araucaria Excelsa da Casa de Tenreiro	<i>Araucaria heterophylla</i> (Salisb.) Franco	Casa Tenreiro	Pontedeume (C)
9A	Érbedo do Pazo de Mariñán	<i>Arbutus unedo</i> L.	Pazo de Mariñán	Bergondo (C)
10A	Calocedro do Pazo de Torrecedeira	<i>Calocedrus decurrens</i> (torr.) Florin	Pazo de Torrecedeira	Redondela (PO)
11A	Camelia "Pantalóns" do Pazo de Lens	<i>Camellia japonica</i> L.	Pazo de Lens-Ames	Ames (C)
12A	Camelia do Pazo de Santa Cruz	<i>Camellia japonica</i> L.	Pazo de Santa Cruz	Vedra (C)
13A	Camelias do Pazo de Torres Agrelo	<i>Camellia japonica</i> L.	Pazo Torres de Agrelo	Redondela (PO)
14A	Musalén de Camelias do Pazo de Castrelos	<i>Camellia japonica</i> L.	Pazo de Castrelos	Vigo (PO)
15A	Camelia Reticulada do Pazo de Oca	<i>Camellia reticulata</i> Lindl.	Pazo de Oca	A Estrada (PO)
16A	Camelia Sasanqua do Pazo de Torres Agrelo	<i>Camellia sasanqua</i> Thunberg.	Pazo Torres de Agrelo	Redondela (PO)
17A	Pacana de Illinois do Pazo de Mariñán	<i>Carya illinoensis</i> (Wangenh.) C. Koch.	Pazo de Mariñán	Bergondo ©
18A	Castiñeiro da Capela	<i>Castanea sativa</i> Mill.	A Capela.	Begonte (LU)
19A	Castiñeiro do Val da Fonte	<i>Castanea sativa</i> Mill.	O Val da Fonte	Folgo do Caurel (LU)
20A	Castiñeiro da Costa	<i>Castanea sativa</i> Mill.	A Costa	Carballada de Valdeorras (OU)
21A	Castiñeiro de Pumbariños	<i>Castanea sativa</i> Mill.	Souto de Rozabales	Manzaneda (OU)
22A	Castiñeiro do Mola	<i>Castanea sativa</i> Mill.	Souto de Mola	A Mezquita (OU)
23A	Castiñeiro da Ribeira	<i>Castanea sativa</i> Mill.	Souto da Ribeira	A Mezquita (OU)
24A	Castiñeiro do Souto da Ramígoa	<i>Castanea sativa</i> Mill.	Souto de A Ramígoa	Nogueira de Ramuín (OU)
25A	Castiñeiro da Regadiña	<i>Castanea sativa</i> Mill.	A Regadiña	Pobra de Trives (OU)
26A	Castiñeiros de Peninvello	<i>Castanea sativa</i> Mill.	Finca de A Cerca	Xinzo de Limia (OU)
27A	Casuarinas da Alameda da Praza de Compostela	<i>Casuarina equisetifolia</i> J.R. & G. Forst.	Praza de Compostela	Vigo (PO)
28A	Cedros do Himalaia dos Xardíns de Vicente	<i>Cedrus deodara</i> (D. Don) G. Don	Xardíns de Vicente	Pontevedra (PO)

29A	Cedro do Líbano do Pazo de Lourizán	<i>Cedrus libani</i> A. Rich.	Pazo de Lourizán.	Pontevedra (PO)
30A	"Coroa de Cristo" do Xardín Histórico de Padrón	<i>Cercis siliquastrum</i> L.	Xardín artístico de Padrón	Padrón (C)
31A	Camecíparis de Lawson da Casa da Puebla	<i>Chamaecyparis lawsoniana</i> (A. Murr.) Parl.	Casa da Puebla de O Incio	O Incio (LU)
32A	Camecíparis de Lawson do Castelo de Soutomaioir	<i>Chamaecyparis lawsoniana</i> (A. Murr.) Parl.	Castelo de Soutomaioir	Soutomaioir (PO)
33A	Alcanforeros do Pazo de Rubiáns	<i>Cinnamomum camphora</i> (L.) Siebold	Pazo de Rubiáns	Vilagarcía de Arousa (PO)
34A	Laranxo "Obsceno" do Pazo de Brandariz	<i>Citrus aurantium</i> L. var. <i>corniculata</i> Risso	Pazo de Brandaliz	Ortigueira (C)
35A	Criptomeria do Pazo de Santa Cruz	<i>Cryptomeria japonica</i> (L. f.) D. Don	Pazo de Santa Cruz	Vedra (C)
36A	Criptomeria do Castelo de Soutomaioir	<i>Cryptomeria japonica</i> (L. f.) D. Don	Castelo de Soutomaioir	Soutomaioir (PO)
37A	Criptomeria Elegante do Pazo de Oca	<i>Cryptomeria japonica</i> (L. f.) D. Don 'Elegans'	Pazo de Oca	Estrada, A (PO)
38A	Cunninghamia do Pazo de Gondomar	<i>Cunninghamia lanceolata</i> (Lamb.) Hook. f.	Pazo de Gondomar	Gondomar (PO)
39A	Cunninghamia do Parque-Xardín de Caldas de Reis	<i>Cunninghamia lanceolata</i> (Lamb.) Hook. f.	Parque de Caldas	Caldas de Reis (PO)
40A	Ciprés de California da Misericordia	<i>Cupressus macrocarpa</i> Hartw.	Misericordia	Viveiro (LU)
41A	Ciprés de California do Pazo de Quintás	<i>Cupressus macrocarpa</i> Hartw.	Pazo de Quintás	Meis (PO)
42A	Ciprés Mediterráneo da Capela do Salvador	<i>Cupressus sempervirens</i> L. 'fastigiata'	Mosteiro de Samos	Samos (LU)
43A	Eucaliptos do Pazo de Mariñán	<i>Eucalyptus globulus</i> Labill.	Pazo de Láncara o Mariñán	Bergondo (C)
44A	Eucalipto da Casa de Reimunde	<i>Eucalyptus globulus</i> Labill.	Casa de Reimunde	Foz (LU)
45A	Avó do Eucalipto de Chavín	<i>Eucalyptus globulus</i> Labill.	Souto da Retorta	Viveiro (LU)
46A	Eucaliptos do Paseo da Ferradura	<i>Eucalyptus globulus</i> Labill.	Paseo da Ferradura	Santiago de Compostela (C)
47A	Eucaliptos do Pazo de Castrelos	<i>Eucalyptus globulus</i> Labill.	Pazo de Castrelos	Vigo (PO)
48A	Eucalipto do Maná da Casa de Ordax	<i>Eucalyptus viminalis</i> Labill.	Casa de Ordax	Castro de Rei (LU)
49A	Faia do Pazo de Castrelos	<i>Fagus sylvatica</i> L.	Pazo de Castrelos	Vigo (PO)
50A	Figueira do Mecó	<i>Ficus carica</i> L.	Monte Siradella	O Grove (PO)
51A	Figueria da Casa-Museo de Rosalía de Castro	<i>Ficus carica</i> L.	Casa-Museo Rosalía de Castro	Padrón (C)
52A	Freixo de Folla Estreita de Montepando	<i>Fraxinus angustifolia</i> Vahl.	O Val	Monforte (LU)
53A	Freixo de Porta	<i>Fraxinus excelsior</i> L.	Pista a Casa do Galo	Sobrado (C)
54A	Xinkgos do Pazo de Fonseca	<i>Ginkgo biloba</i> L.	Xardín del Pazo de Fonseca	Santiago de Compostela (C)
55A	Acivro do Pazo de Casanova	<i>Ilex aquifolium</i> L.	Pazo de Casanova	Pino, O (C)
56A	Cocoteiro de Chile do Pazo de Meirás.	<i>Jubaea chilensis</i> (Mol.) Baill.	Pazo de Meirás.	Sada (C)
57A	Tulipeiros de Virxinia do Pazo de Santa Cruz	<i>Liriodendron tulipifera</i> L.	Pazo de Ortigueira	Vedra (C)
58A	Tulipeiros de Virxinia do Pazo de Castrelos	<i>Liriodendron tulipifera</i> L.	Pazo de Castrelos	Vigo (PO)

59A	Magnolia Grandiflora de Santa Rita	<i>Magnolia grandiflora</i> L.	Cuartel viejo Guardia Civil	Narón (C)
60A	Magnolias Grandifloras do Pazo de Rubiáns	<i>Magnolia grandiflora</i> L.	Pazo de Rubiáns	Vilagarcía de Arousa (PO)
61A	Magnolia Grandiflora do Pazo de Santa Cruz	<i>Magnolia grandiflora</i> L.	Pazo de Santa Cruz	Vedra (C)
62A	Metasecuoia do Pazo de Lourizán	<i>Metasequoia glytostroboides</i> H. Hu & Cheng	Pazo de Lourizán	Pontevedra (PO)
63A	Metrosideros Excelso do Xardín da Torre de Andrade	<i>Metrosideros excelsa</i> Soland. ex Gaertn.	Xardín da Torre de Andrade	Pontedeume (C)
64A	Metrosideros Excelso do Xardín da Policía de A Coruña	<i>Metrosideros excelsus</i> Soland. ex Gaertn.	Xardín del Antigo Hospital	A Coruña (C)
65A	Oliveira do Paseo de Alfonso XII	<i>Olea europaea</i> L.	Paseo de Alfonso XII	Vigo (PO)
66A	Oliveiras do Cemiterio de Adina	<i>Olea europaea</i> L.	Cemiterio de Adina	Padrón (C)
67A	Palmeira Datileira do Mosterio de Herbón.	<i>Phoenix dactylifera</i> L.	Mosteiro de Herbón	Padrón (C)
68A	Ombú do Centro Cultural de Santa Cruz	<i>Phytolacca dioica</i> L.	Centro cultural Santa Cruz-Oleiros	Oleiros (C)
69A	Ombú do Pazo de Santa Cruz	<i>Phytolacca dioica</i> L.	Pazo de Ortigueira	Vedra (C)
70A	Piñeiro Bravo de Leiro	<i>Pinus pinaster</i> Ait.	Leiro	Pontedeume (C)
71A	Piñeiro Manso dos Candeiras	<i>Pinus pinea</i> L.	Lugar de O Castro	Ponteareas (PO)
72A	Piñeiro Insigne do Castelo de Santa Cruz	<i>Pinus radiata</i> D. Don	Castillo de Santa Cruz	Oleiros (C)
73A	Plátano de Sombra do Pazo de Dompniñor	<i>Platanus hispanica</i> MuencHh.	Pazo de Dompniñor	O Incio (LU)
74A	Douglasias Verdes do Pazo de Casanova	<i>Pseudotsuga menziesii</i> (Mirb.) Franco	Pazo de Casanova	O Pino (C)
75A	Carballo Albar da Praza do Campo Quindós	<i>Quercus petraea</i> (Mattusch.) Liebl.	Campo da Feira	Cervantes (LU)
76A	Rebolo da Praza do Campo de Quindós	<i>Quercus pyrenaica</i> Willd	Campo da Feira	Cervantes (LU)
77A	Rebolo do Pazo de Pena	<i>Quercus pyrenaica</i> Willd	Pazo de a Pena	Manzaneda (OU)
78A	Carballo de Pazo de Vilardefrancos	<i>Quercus robur</i> L.	Pazo de Vilar de Arcos	Carballo (C)
79A	Carballo de Ramos	<i>Quercus robur</i> L.	Casa de Ramos	Taboada (LU)
80A	Carballo do Viño ou Carballo de Pelete	<i>Quercus robur</i> L.	O carón da capela e a casa da santa (Virxe dos Remedios)	A Lama (PO)
81A	Carballo da Capela de Santa Margarida	<i>Quercus robur</i> L.	Capela de Santa Margarita	Pontevedra (PO)
82A	Carballa da Rocha	<i>Quercus robur</i> L.	A Touza	Rairiz de Veiga (OU)
83A	Carballo do Pazo de Cartelos	<i>Quercus robur</i> L.	Pazo de Cartelos	Carballedo (LU)
84A	Carballo Grande de Bustelo de Abaixo	<i>Quercus robur</i> L.	Campo da Fonte	Carballedo (LU)
85A	Carballo da Casa do Herdeiro	<i>Quercus robur</i> L.	Casa de Herdeiro	Carballedo (LU)
86A	Carballos do Campo de Golf	<i>Quercus robur</i> L.	Campo de golf-Lugo	Lugo (LU)
87A	Carballo de Mede	<i>Quercus robur</i> L.	Bosque de Mede	Xermade (LU)
88A	Carballo da Casa Grande	<i>Quercus robur</i> L.	Praza do Carballo	Carballedo (LU)
89A	Carballo Grande do Mestre	<i>Quercus robur</i> L.	Ó borde da N-540	Carballedo (LU)

90A	Carballo Grande de Reboreda	<i>Quercus robur</i> L.	Bosque de Carabeleira	A porquería (OU)
91A	Carballo Fastixiado do Pazo de Santa Cruz	<i>Quercus robur</i> L. 'Fastigiata'	Pazo de Santa Cruz	Vedra (C)
92A	Carballo Fastixiado do Xardín Histórico de Padrón	<i>Quercus robur</i> L. 'Fastigiata'	Xardín Artístico de Padrón	Padrón (C)
93A	Acíñeira de Cobas	<i>Quercus ilex</i> L. subsp. <i>ballota</i> (Desf.) Samp.	Finca próxima ó cemiterio	Rubiá (OU)
94A	Sobreira de Balboa	<i>Quercus suber</i> L.	Os Hórreos	A Estrada (PO)
95A	Sobreira do Pazo de Valiñas	<i>Quercus suber</i> L.	Pazo de Valiñas	A Estrada (PO)
96A	Sobreira do Cristo de Arriba	<i>Quercus suber</i> L.	Praza pública	Redondela (PO)
98A	Sobreira da Casa do Tristo	<i>Quercus suber</i> L.	Casa de O Tristo	Pobra de Brollón, A (LU)
99A	Secuoias Vermellas do Xardín Histórico de Padrón	<i>Sequoia sempervirens</i> (D. Don) Endl.	Xardín Artístico de Padrón	Padrón (C)
100A	Secuoia Vermella do Castelo de Soutomaior	<i>Sequoia sempervirens</i> (D. Don) Endl.	Castillo de Soutomaior	Soutomaior (PO)
101A	Secuoia Xigante do Pazo de O Casal	<i>Sequoiadendron giganteum</i> (Lindl.) Buchh.	Pazo de O Casal	Bergondo (C)
102A	Taxodios do Xardín de Artime	<i>Taxodium disticum</i> (L.) Rich.	Xardín de Artime	Vilagarcía de Arousa (PO)
103A	Teixo do Pazo de Baldomir	<i>Taxus baccata</i> L.	Pazo de Baldomir	Bergondo (C)
104A	Teixo da Igrexa de Córneas	<i>Taxus baccata</i> L.	Cemiterio	Baleira (LU)
105A	Teixo da Casa de Tenreiro	<i>Taxus baccata</i> L.	Casa de Tenreiro-Pontedeume	Pontedeume (C)
106A	Tuia Xigante do Pazo de Torres Agrelo	<i>Thuja plicata</i> Donn ex D. Don	Pazo de Torres de Agrelo	Redondela (PO)
107A	Tileiro Prateado da Alameda do Campo da Estrela	<i>Tilia tomentosa</i> Moench	Alameda do campo da estrela	Santiago de Compostela (C)
108A	Washingtonias Robustas do Pazo de Santa Cruz	<i>Washingtonia robusta</i> H.Wendl.	Xardín do Pazo de Santa Cruz de Ribadulla	Vedra (C)

ANEXO II Formacións Senlleiras.

CÓDIGO	NOME DA FORMACIÓN	ESPECIE	LUGAR	CONCELLO
1F	Buxal da Casa da Botana	<i>Buxus sempervirens</i> L.	Casa da Botana	Arzúa (C)
2F	Buxal do Pazo de Santa Cruz	<i>Buxus sempervirens</i> L.	Pazo de Santa Cruz	Vedra (C)
3F	Buxal do Pazo de Oca	<i>Buxus sempervirens</i> L.	Pazo de Oca	A Estrada (PO)
4F	Camelias do Pazo de Torre da Lama	<i>Camelia japonica</i> L.	Xardín de Torre de Lama	Mañón (C)
5F	Castiñeiros Xaponesa e Chineses do Pazo de Lourizán	<i>Castanea crenata</i> Sieb. & Zucc.; <i>Castanea mollissima</i> Blume Mill.	Pazo de Lourizán	Pontevedra (PO)
6F	Fraga de Catasós	<i>Castanea sativa</i> Mill.; <i>Quercus robur</i> L.	Pazo de Quintela	Lalín (PO)
7F	Souto de Rozabales	<i>Castanea sativa</i> Mill.	Souto de Rozabales	Manzaneda (OU)
8F	Carreira de Eucaliptos do Pazo de Barrantes	<i>Eucalyptus globulus</i> Labill.	Pazo de Barrantes	Ribadumia (PO)
9F	Eucaliptos do Pazo de Rubiáns	<i>Eucalyptus globulus</i> Labill.	Pazo de Rubiáns	Vilagarcía de Arousa (PO)
10F	Mirtos do Pazo de Mariñán	<i>Myrtus communis</i> L.	Pazo de Mariñán	Bergondo (C)
11F	Retícula de Oliveiras do Pazo de Santa Cruz	<i>Olea europaea</i> L.	Pazo de Santa Cruz	Vedra (C)
12F	Palmeiral Canario dos Xardíns de Méndez Núñez	<i>Phoenix canariensis</i> Hort. ex Chabaud	Xardíns de Méndez Núñez.	A Coruña (C)
13F	Palmeira do Senegal do Xardín Artístico de Padrón.	<i>Phoenix reclinata</i> Jacq.	Xardín Artístico de Padrón	Padrón (C)
14F	Plátanos de Sombra do Pazo de Mariñán	<i>Platanus hispanica</i> Mill ex Muenchh.	Pazo de Mariñán	Bergondo (C)
15F	Plátanos de Sombra do Paseo do Espolón de Padrón	<i>Platanus hispanica</i> Mill ex Muenchh.	Paseo do Espolón	Padrón ©
16F	Carballeira de Caldas de Reis	<i>Quercus robur</i> L.	Parque de Caldas	Caldas de Reis (PO)
17F	Carballeira de San Lourenzo de Trasouto	<i>Quercus robur</i> L.	San Lorenzo	Santiago (C)
18F	Teixedal de Casaio	<i>Taxus baccata</i> L.	Teixedal de Casaio	Carballeda de Valdeorras (OU)
19F	Cerreira dos Tileiros do Pazo de Oca	<i>Tilia platyphyllos</i> Scop.	Pazo de Oca	A Estrada (PO)
20F	Olmos do Xardín de San Carlos	<i>Ulmus x hollandica</i> Mill.	Xardín de San Carlos	A Coruña (C)

ANEXO III

SOLICITUDE DE INCLUSIÓN NO CATÁLOGO DE ÁRBORES SENLLEIRAS

Número de Solicitud

Solicitante:.....

Dirección:.....

Teléfono:..... Fax:..... Correo electrónico.....

Especies:.....

Lugar:.....

Concello:..... Provincia.....

Acceso:.....

.....

.....

Descripción:.....

.....

Motivo da catalogación (rareza, tamaño, porte, importancia histórica,cultural...):.....

.....

.....

Croquis:

Diámetro a 1.30 m (d):

Altura total (h):

Idade estimada:

Observacións:

Propietario:.....

Dirección:.....

Teléfono:..... Fax:..... Correo electrónico.....